



UNIVERSITÄTS-
BIBLIOTHEK
PADERBORN

Universitätsbibliothek Paderborn

Avli Persii Flacci Satyrae Sex

Persius Flaccus, Aulus

Basileae, 1582

VD16 P 1629

Ioan. Thomas Freigivs, Guilielmo Adolpho Scribonio S.

urn:nbn:de:hbz:466:1-34803

6

IOAN. THOMAS FREIGIUS,
Guilielmo Adolpho Scribonio S.

PHYSICAM tuam, secundum leges methodicas κατὰ πάντας, καὶ ἀντὶ, καὶ θόλου τῶν in ordinem redactam, proximisque nundinis editam, summa cum voluptate legi. Rectè fecisti, quòd nugas illas, quibus me in scholasticis tenebris irretitum olim memini, quibusque me beatū & lautum physicum factum putavi, è medio sustulisti, & ex agro physico eiecisti. Quid enim causarum illa, motus, temporis, loci, logica ideoque in physicis heterogenea tractatio? quid vacui & infiniti (quorum nihil in rerum natura est) mateologia in physicis facit? Macte itaque ista virtute, Scriboni, & quod cepisti, alacriter perfice. Vnum enim superest, ut quæ de astris & planetis defunt, plenius exequaris: historiã metallorum, stirpium, animantium vberius ex Agricola, Matthiolo, Gesnero, tanquam rerum physicarum Oceano, in angustum alveum legibus Methodi contrahas, Habes enim præter Logicæ adiumenta, quæ te in arte constituenda non oberrare sinent: magnum quoque ex arte, cui te mancipasti, auxilium. Nam Medicinæ (cuius pars olim habita est physica, quem errorem, ut nosti, Ioubertus clarissimus nostræ ætatis Medicus indicavit et sustulit) te studiosum esse, ex Physica tua intellexi. Sed ut ad eam rem maior tibi animus addatur: utque inter nos arctior familiaritas cõtrahatur: hos in Persium commentarios (quos à P. Perna Typographo acceptos, multis laboribus correxi & transcripsi) tibi inscribere constitui. Valentinus præter alia cum reliquis cõmunia, hoc proprium habuit, quòd cum Persio Horatium diligentissimè ubique contulit: quem etiam Tiguri suis his commentarijs illustravit. Volscus autem maiorem verborum rationem habuit: licet ex Plinio & historicis pleraque ex poetis etiã fabulas, quæ ad obscura authoris loca illustranda facerent, non segniter conquiesierit. His ego ex parentis mei Nicolai Freigij bibliotheca adieci ea, quæ is à Philippo Engelbrech-

27
gelbrechto Engērino poeta festiuissimo (qui Freiburgi Bri-
fiacorum poeticam olim docuit) publica acroasi quasi sua
fecerat. Adiecit etiam Foquelinum, qui (ut Rami disci-
pulum agnoscis) præter Grammaticam, Rhetoricā, Ethicam,
Politicam, Historicam, Poësin: etiam Logicam quasi prio-
rum *λογικῶν* superstruxit: Adcō ut si qua huic laus præ ceteris
tribuenda sit, *λογικώτερον* eum iure optimo dicere queamus.
Hoc ergo mei erga te amoris & beneuolentiæ signum bene-
uolo animo excipito, meque inter tuos amicos, vel in
extrema cera, scribito. Vale. Dat. Altorsij No-
ricorū. Anno 1578.

IOANNIS MURMELLIJ Ruremondensis in A. Persij
Prologum, & Satyras, Argumenta.

*Commendat, videns alios, præfatio vatem:
Nobilium prima mores taxantur inepti,
Carpit auaritia mala vota, precesq; secunda.
Tertia desidiā iuuenum, fastusq; laceffit.
In quarta stultus Rex, Censoresq; notantur.
Cornutum laudans aperit, penultima seruos.
Vltima perparcum Satyra insectatur auarum.*

AELII Antonij Nebrissenfis in Satyras Argumenta:

*Prima poetarum mores, & tempora monstrat.
Quidq; optare decet, quod non optare, secunda.
Tertia virtutis iuuenes inflammat amore.
Rem populi ignaros prohibet contingere quarta.
Quinta docet, qui sit liber, qui sit quoque seruus.
Vltima, ob hæredis curam, castigat auaros.*

IOANNIS Pierij Valeriani Bellunenfis in
eisdem Argumenta.

*Prima leueis carpit vates mollemq; Neronem,
Altera spes vanas, & inania vota, precesq;
Tertia cessantem circa præclara inuentam.
Censores quarta insanos, & facta Neronis.
Quinta hominum in vanis diuersa negotia rebus.
Duxiter impransos sexta insectatur auaros.*